

Udruženje građana "Novotravnički"

Hanumina 1, 72290 Novi Travnik

ID broj: 4236843650005



Tvoj grad. Tvoje vijesti.
Tvoj novotravnicki.info

Broj: 12/26

Datum: 02.04.2026

JKP „Vilenica-Čistoća“ d.o.o.

Stjepana Tomaševića bb

72 290 Novi Travnik

n/r Direktor / Uprava

PREDMET: Hitni zahtjev za pristup informacijama i očitovanje o sječi stabala u užem jezgru grada

Poštovani,

Obraćamo vam se ispred Udruženja građana „Novotravnički“, čiji news portal novotravnicki.info svakodnevno izvještava javnost i donosi objektivne informacije o dešavanjima u našem gradu. Zbog alarmantne situacije na terenu i masovnog nezadovoljstva građana koji svakodnevno kontaktiraju našu redakciju, podnosimo ovaj zahtjev.

Pozivajući se na Zakon o slobodi pristupa informacijama u FBiH, kao i na osnovno pravo građana na zdravu životnu sredinu i transparentnost rada javnih preduzeća, zahtijevamo hitne odgovore na sljedeća pitanja:

1. Stručni elaborat i opravdanost sječe: Na osnovu kojeg stručnog nalaza je utvrđeno da su zdrava i jedra stabla četinarara i lišćara u ulicama Kralja Tvrtka i Ljudevita Gaja „opasna“ ili „bolesna“? Dostavite nam kopiju rješenja o sječi i imena članova komisije koji su svojim potpisom preuzeli odgovornost za uništavanje decenijskog zelenila.
2. Sumnja na pogodovanje privatnim interesima: U javnosti su sve glasnije sumnje da se „čišćenje“ parkovskih površina vrši isključivo kako bi se stvorio prostor za buduće građevinske objekte i pogodovalo lokalnim tajkunima i političkim moćnicima. Da li su ovi radovi uvod u izmjenu regulacionog plana i pretvaranje javnog dobra u privatne kvadrate?
3. Transparentnost prodaje drvne mase: Gdje se trenutno nalazi posječena drvena masa, ko je vršio njenu procjenu i po kojoj cijeni se ista prodaje? Građani opravdano pitaju ko profitira od uništenja pluća našeg grada.
4. Kršenje Statuta i ignorisanje građana: Zašto nije sazvan zbor građana niti održana javna rasprava prije nego što se pristupilo radovima koji trajno mijenjaju izgled i kvalitet života u našem gradu?

Udruženje građana "Novotravnički"

Hanumina 1, 72290 Novi Travnik

ID broj: 4236843650005



Tvoj grad. Tvoje vijesti.
Tvoj novotravnicki.info

Napominjemo da niko od nadležnih do sada nije ponudio zvaničnu i logičnu informaciju, što dodatno produbljuje nepovjerenje naroda. Kao udruženje i portal koji teži istini, nećemo dozvoliti da se ovi postupci sakriju iza birokratskih fraza o „uređenju“. Narod Novog Travnika traži odgovore, a mi ćemo, koristeći sve zakonske mehanizme, insistirati na odgovornosti svih uključenih strana.

Vaš odgovor (ili njegovo izbjegavanje) biće integralni dio našeg istraživačkog serijala na portalu novotravnicki.info, te će biti prosljeđen nadležnim inspekcijskim organima i institucijama.

S poštovanjem,

M.P.

Udruženje građana „Novotravnički“